



Broj/Број: **01/2a-50-1-2-53/09**

Sarajevo/Сарајево: 14.10. 2009.

ZAPISNIK

53. sjednice Komisije za vanjske poslove Predstavničkog doma Parlamentarne skupštine BiH, održane 13. 10. 2009.

Sjednica Komisije počela je u 11 sati. Sjednici su prisustvovali: Slavko Matić, Milorad Živković, Husein Nanić, Azra Alajbegović i Denis Bećirović.

Osim članova Komisije, sjednici su prisustvovali Vera Letica i Lemana Vranić iz Ministarstva finansija i trezora BiH, te Draženka Malićbegović i Damir Dizdarević iz Ministarstva civilnih poslova BiH.

Zapisnik je vodio Miroslav Stanišić, stručni saradnik u Komisiji za vanjske poslove.

Sjednicom je predsjedavao Slavko Matić, predsjedavajući Komisije za vanjske poslove. On je pozdravio prisutne nakon čega je Komisija jednoglasno usvojila sljedeći

DNEVNI RED

1. Usvajanje Zapisnika 52. sjednice Komisije;
2. Davanje mišljenja o saglasnosti za ratificiranje:
 - a) Sporazuma o finansiranju između Bosne i Hercegovine i Komisije Evropskih zajednica u pogledu prekograničnih programa između Bosne i Hercegovine i Republike Hrvatske na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu (resorno ministarstvo: Ministarstvo finansija i trezora BiH);
 - b) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu (resorno ministarstvo: Ministarstvo finansija i trezora BiH);
 - c) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu (resorno ministarstvo: Ministarstvo finansija i trezora BiH);
 - d) Kreditnog sporazuma – Projekat završetka i opremanja četiri bolnice – između Saudijskog fonda za razvoj i Bosne i Hercegovine (resorno ministarstvo: Ministarstvo finansija i trezora BiH);
 - e) Konvencije Međunarodne agencije za atomsku energiju o nuklearnoj sigurnosti, Beč, 17. 6. 1994. godine (resorno ministarstvo: Ministarstvo civilnih poslova BiH);
 - f) Konvencije o promotivnom okviru sigurnosti i zdravlja na radu br. 187 iz 2006. i Preporuke vezane za promotivni okvir profesionalne sigurnosti i zdravlja na radu br. 197 iz 2006. Međunarodne organizacije rada (resorno ministarstvo: Ministarstvo civilnih poslova BiH);

- g) Deklaracije o jačanju nacionalnih i regionalnih kapaciteta za pripravnost i reakciju na epidemije i za provođenje Međunarodnih zdravstvenih propisa (2005.) (resorno ministarstvo: Ministarstvo civilnih poslova BiH);
 - h) Kodeksa postupanja Međunarodne agencije za atomsku energiju po pitanju sigurnosti i zaštite radioaktivnih izvora (resorno ministarstvo: Ministarstvo civilnih poslova BiH);
 - i) Amandmana na Konvenciju Međunarodne agencije za atomsku energiju o fizičkoj zaštiti nuklearnog materijala (resorno ministarstvo: Ministarstvo civilnih poslova BiH);
3. Razmatranje inicijative poslanika Branka Dokića o tome da „Predsjedništvo BiH Predstavničkom domu PSBiH podnese pismeni i usmeni izvještaj o odnosima sa susjednim državama“;
4. Tekuća pitanja;

Ad. 1. Usvajanje Zapisnika 52. sjednice Komisije

Nije bilo primjedbi te su članovi Komisije jednoglasno usvojili Zapisnik 52. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u pogledu prekograničnih programa između Bosne i Hercegovine i Republike Hrvatske na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu

Ad. 2. b) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije na osnovu komponente prekogranične suradnje u okviru Instrumenta pretpristupne pomoći (IPA) za 2008. godinu

Ad. 2. c) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore na osnovu komponente prekogranične suradnje u okviru Instrumenta pretpristupne pomoći (IPA) za 2008. godinu

Vera Letica iz Ministarstva finansija i trezora BiH je za ova tri sporazuma kazala da su potpisani i da su stupili na snagu. Javni pozivi za prijavu projekata, partnera iz susjednih zemalja, zatvaraju se u ovom mjesecu. Nakon toga slijedi evaluacija projektnih prijedloga i početak realizacije projekata čiji je rok dvije godine. U pojedinačnim finansijskim sporazumima dati su iznosi, koji su iz IPA sredstava alocirani za pojedine partnere. Vrijednosti su 1.800.000 eura za Sporazum između BiH i Srbije, za Sporazum između BiH i Crne Gore 1.100.000 eura i za Sporazum između BiH i Hrvatske 1.800.000 eura. Ugovori će se potpisivati tako da će svaka zemlja za svoj finansijski dio potpisati posebne ugovore s Evropskom komisijom, dok će se kandidirani projekti provoditi jedinstveno.

Husein Nanić pitao je na koji način će institucije BiH moći doći do tih sredstava i ko upravlja tim sredstva - Vijeće ministara BiH ili Evropska komisija.

Vera Letica kazala je da je Delegacija Evropske komisije ta koja još uvijek upravlja sredstvima. U procesu programiranja i pripreme projektnih prijedloga u partnerstvu sa susjednom zemljom učestvuje Direkcija za evropske integracije, ali samu evaluaciju projektnih prijedloga i cjelokupan tehnički dio, ugovaranje i plaćanje po sklopljenim ugovorima, radi u ime Bosne i Hercegovine Delegacija Evropske komisije u Sarajevu i to je taj tzv. centralizirani način upravljanja.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ova tri sporazuma.

**Ad. 2. d) Davanje mišljenja o saglasnosti za ratificiranje Kreditnog sporazuma –
Projekat završetka i opremanja četiri bolnice - između Saudijskog fonda za razvoj
i Bosne i Hercegovine**

Lemana Vranić iz Ministarstva finansija i trezora BiH je u vezi s ovim sporazumom kazala da se radi o vrlo povoljnom kreditu od 25 miliona dolara uz kamatnu stopu od 2 % godišnje. Rok otplate je 25 godina uključujući i grejs period od pet godina. Cilj projekta je unapređenje pružanja medicinskih usluga velikom broju stanovnika putem završenja gradnje i opremanja četiri medicinske ustanove u Sarajevu, Mostaru i Konjicu.

Azra Alajbegović pitala je kako se došlo do konkretnih cifara za pojedine bolnice i kliničke centre.

Lemana Vranić odgovorila je da se do cifri došlo prema potrebi pojedinih kliničkih centara, kao i da su pregovori sa Saudijskim fondom trajali od 2006. godine i na kraju se došlo do jedne optimalne cifre.

Milorad Živković pitao je ko je garant ovog sporazuma, ko vraća kredit i ko je pregovarao u vezi s ovim sporazumom, odnosno po kojem kriteriju su dobijana sredstva za pojedine bolnice.

Lemana Vranić kazala je da je država garant Sporazuma i pregovori su vođeni u ime države. Projekti su izabrani 1996. godine i pravo na korištenje kredita imaju oba entiteta. Ona je kazala da u narednom periodu treba da bude potpisan Okvirni sporazum na osnovu kojeg će se po potrebi povlačiti sredstva iz fonda koja će se vraćati uz vrlo povoljne uslove, a krajnji korisnici uz garancije entitetskih vlada vraćaju kredit.

Članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

**Ad. 2. e) Davanje mišljenja o saglasnosti za ratificiranje Konvencije Međunarodne agencije
za atomsku energiju o nuklearnoj sigurnosti, Beč, 17. 6. 1994. godine**

**Ad. 2. g) Davanje mišljenja o saglasnosti za ratificiranje Deklaracije o jačanju nacionalnih
i regionalnih kapaciteta za pripravnost i reakciju na epidemije i za
provođenje Međunarodnih zdravstvenih propisa (2005.)**

**Ad. 2. h) Davanje mišljenja o saglasnosti za ratificiranje Kodeksa postupanja
Međunarodne agencije za atomsku energiju po pitanju sigurnosti i
zaštite radioaktivnih izvora**

**Ad. 2. i) Davanje mišljenja o saglasnosti za ratificiranje Amandmana na
Konvenciju Međunarodne agencije za atomsku energiju o fizičkoj zaštiti
nuklearnog materijala**

Draženka Malićbegović iz Ministarstva civilnih poslova BiH ukratko je iznijela pojedinosti i specifičnosti navedenih međunarodnih konvencija, deklaracija i kodeksa postupanja.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ova četiri ugovora.

**Ad. 2. f) Davanje mišljenja o saglasnosti za ratificiranje Konvencije o promotivnom
okviru sigurnosti i zdravlja na radu br. 187 iz 2006. i Preporuke vezane
za promotivni okvir profesionalne sigurnosti i zdravlja na radu br. 197**

iz 2006. Međunarodne organizacije rada

Damir Dizdarević iz Ministarstva civilnih poslova BiH rekao da je za ovu konvenciju dobivena saglasnost entiteta, sva procedura u Vijeću ministara BiH je provedena i Predsjedništvo BiH donijelo je odluku da se pokrene procedura o ratifikaciji.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ove konvencije.

Ad. 3. Razmatranje inicijative poslanika Branka Dokića o tome da „Predsjedništvo BiH Predstavničkom domu PSBiH podnese pismeni i usmeni izvještaj o odnosima sa susjednim državama“

Slavko Matić pitao je članove Komisije da li je dovoljno da Komisija samo da svoje mišljenje i uputi ga Predstavničkom domu, da li smo mi za to da inicijativa bude razmatrana ne ulazeći u to kada će i šta će sadržajno dostaviti Predsjedništvo BiH.

Milorad Živković predložio je da na sljedeću sjednicu Komisije bude pozvan predlagač inicijative te da se nakon toga Komisija izjasni o inicijativi, što je i prihvaćeno.

Slavko Matić se na kraju zahvalio članovima Komisije i zaključilo sjednicu.

Sjednica je završena u 11,40 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući Komisije

Slavko Matić

Kopija: MVP-u BiH